



As relacións na interna do Partido Popular de Gondomar non son as mellores dende o inicio da xestión de Fernando Gutián ao fronte do partido e da alcaldía. Nomeadamente con quen fora seu segundo na lista, o ex tenente de Alcalde Eladio Costas Pereira así como co actual presidente da Entidade Local de Morgadáns, Urbano Esmerode Domínguez, tamén do seu partido. O primeiro abandonou o goberno en marzo de 2013 por discrepancias co rexedor e deixou ao bipartito PP-CDL en minoría no pleno. Os desecontros políticos e administrativos con Urbano Esmerode remataron en máis dunha ocasión nos xulgados. Esta mañá o [xornal Faro de Vigo](#)

daba a coñecer unha nova sentenza de xustiza que obriga ao Concello de Gondomar a transferir á Entidade Local de Morgadáns o 25% dos impostos recadados na parroquia nos anos 2011 e 2012. Tras coñecerse esta última, agora Eladio Costas volve a cargar e sinala que esta é a “

*pinga que colma o vaso*

” e afirma que Gutián e o seu equipo “

*día a día se fan merecedores da rebaixa do 50% dos seus salarios*

”, como ten resolto o pleno dende setembro de 2012, medida que o goberno ata de agora non aplicou.

Para Eladio Costas, por si fora pouco o novo revés xudicial, nos últimos 15 días aconteceron outros feitos que evidencian a incapacidade “*de Gutián e a concelleira de Facenda*”, Natalia Salgueiro (CDL), para xestionar o Concello. Neste senso sinala a paralización do proxecto sectorial de A Pasaxe, a rebaixa en máis de 200 prazas do aparcadoiro prometido para As Cercas, e a negativa a aprobar os orzamentos 2014 no último pleno para evitar unha rebaixa dos seus salarios engadida nunha moción da oposición. Engade que Gondomar simula unha “*empresa en apuros*

”, confirmada polo plan de axuste recentemente aprobado, “p

*olo que non son merecedores dos salarios que cobran*

”.

Insiste en que existe un acordo de pleno do mes de setembro de 2012, *“que lles obriga a rebaixarse os salarios nun 50%, que actualmente son de 3.750*

*€ polo Sr. Guitián, 2.250*

*€ de Natalia Salgueiro e 1.500*

*€ dos outros catro concelleiros, por 14 pagas ao ano”*

. Así como que no pleno do pasado do 3 de xullo, “

*Guitián, non quixo aprobar o orzamento de 2014, pola esixencia da oposición a que cumprise o acordo plenario de 2012, que esixe rebáixa do 50% mencionado dos seus salarios”.*

Rexeita a actuación da administración no caso dos impostos reclamados pola Entidade Local de Morgadáns , que agora trala resolución xudicial *“obriga ao Concello a facer unhas contas, que leva tres anos sen facer, e que a Sra. Natalia Salgueiro, aínda ten a osadía de dicir agora, tres anos máis tarde, que encargará aos técnicos que fagan os cálculos”.*

Contas que segundo o edil Eladio Costas, “

*nos custarán a todos os cidadanos un 4% máis*

*”, polos xuros.*